

TURT ONT TÒRT

Turt ont tòrt
heart mer holdrn zbischn en de gòssn.

Turt ont tòrt
heart mer schèlln ólbe glaimer.
Men heart tritt, lèrm ont schrea,
i versteck me hinter mai'mama,
vour de mai'na ang zboa komischa lait.
Tsunthait, gèlt ont an schouber ruam,
vòngen se u' za sa'n,

òll gabintsch kloa'na goltene stickler vludern en de dru',
der rasserpesn traip der sommel en inger haus aninn.

Der bètscho ist gònz abia koul paruesst,
sai'na zen pariarn bais abia der schnea,
ont saina ang kuglet abia balleler.
As en kopf an lònge iberziagtan goasnan huat,
zeiberest vludern an schouber vòrbega vranzler.
Ar trogt a baissas ober zbischenas horsumas hemat.
Hinter vònz an rundegan, eckstregan, laoter heib, pukel.
An lòngan, garogan ont paruastn stèck
hóltet der bètscho feist en de hónt.
An ledernan girtl as de huften
hóltet a schell ont der pukel va heib, fest.

Glaim en bètscho ist de bètscha,
si aa schbòrz abia an plentlkessel,
as en kopf an grea'n huat pet an onglta tas.
De trogt an òlten tunklegan tschònt ont virta
vare taschn vònz tz harau der guat sommel.

An òndern lèrm kimp lòngsom hinten no,
s ist der òartrogar as kimp harin va de tir.
Er hòt a pfarbets himblingas vòrbegas tschicht,
a schea's suntagabònt garaichert va vòrbega lazzetn

as en pukl an èchstrega groasa holzena kraks.
Drau tsetzt an vuks ont unten lèrman grosa schèlln.
Zòmm pet de hònt va de mama verstecke de oier en de kraks.
Turt ont tòrt
De bètsche laven vert van mai' haus.

I gea no, verchtet ont ziach de mama mit.
Der bètscho ont de bètscha pet sai'na sòlbega, kòlta sbòrza vinger
paruasn de kinder, diarndel ont mi aa.
De zboa tòzn zòmm derbail as de rèta gaik a lustegas liadl.
De vòlln en de dru' abia sòcken va de ruam,
pòl der betscho ont pòl de betscha pariarn storm.
A toal kinder stia' glaim ont schaug, a toal verchten se,
i plaib de gònze zait en òrm van mai' tata.
De toaln aus guata pet vill vòrn turtn,
i ess sa asou seche koa' birm haier aa.

Der to ist pòll veite, s ist kòlt
de bètsche hom garifft za lesen der testament.
A groases vaier hom se u'zentat, der schnea zargenkt,
der berschto hòt verprunnen der sai'òlt pukel,
der testament za kloa'na stikler varsbinnt mittn en vaier,
der binter ist dena garifft!
I schaug der doi groas vaier va ver,
Turt ont tort schraie I aa!